

Tuberculosis Information - Albanian

This pamphlet was adapted by the Division of Tuberculosis Control, Virginia Department of Health from materials developed in 1993 by the New York State Department of Health.

INFORMACION PER TUBERKULOZIN (1)

Kohët e fundit tuberkulozi (TBC) është kthyer përsëri. Vitin e fundit u shfaqën më shumë se 4500 raste të reja të kësaj sëmundjeje në shtetin e Nju Jorkut. Dhe gjithashtu ka variacione të reja të TBC-së që janë të vështira për t'u kuruar. Këtu janë disa nga pyetjet më të zakonshme rreth TBC-së. Në qoftë se do të keni më shumë pyetjeje pasi ta keni lexuar këtë njoftim, flisni me doktorin tuaj ose Qendrën Shëndetësore Lokale.

NGA SE SHKAKTOHET TBC-ja?

TBC-ja është shkaktuar nga bakterja që zakonisht infekton mushkëritë, por gjithashtu mund të prekë edhe pjesë të tjera të trupit.



CILAT JANE SHENJAT E PARA TE TBC-së



Shenjat e para të sëmundjes së TBC-së përfshijnë temperaturë të lartë djersitje gjatë natës, lodhje, humbje peshe, kollë e vazhdueshme dhe (ndonjëherë) nxjerrje gjak gjatë kollitjes.

ÇFARE ESHTË TESTI PER TBC-në

Është një test i thjeshtë lëkure. Një test pozitiv do të thotë se personi është infektuar me TBC. Ka nevojë për më shumë teste për të parë në qoftë se një person ka sëmundjen e TBC-së.

ÇFARE ESHTË NDRYSHIMI MIDIS INFEKSIONIT TE TUBERKULOZIT DHE SEMUNDJES SE TUBERKULOZIT

Njerëzit me infeksion TBC-je dalin me test pozitiv për TBC në lëkurën e tyre, por ato nuk janë të sëmurë dhe ata nuk mund t'ia ngjisin sëmundjen të tjerëve. Vetëm njerëzit e sëmurë me TBC mund t'ia ngjisin sëmundjen të tjerëve.

KUSH E MERR TBC-në?

Çdo njeri i çdo moshe mund ta marrë tuberkulozin. Por disa njerëz kanë një rrezik më të madh. Këtu përfshihen:

- njerëz që kanë qenë rreth e rrotull
- njerëzve me sëmundjen e TBC-së
- të varfërit
- të pastrehët
- njerëzit nga vende ku ka shumë tuberkuloz
- ata që jetojnë nëpër azile
- personat e burgosur
- alkolikët dhe ata që përdorin drogë
- njerëzit me probleme mjekësore (të tilla si diabeti dhe disa lloje kanceresh) të cilat dobësojnë mundësinë e tyre për të luftuar sëmundjen
- njerëzit me virusin HIV (virusi që shkakton Sidën)

Njerëzit me HIV janë në rrezik po të marrin tuberkulozin sepse sistemi i tyre i imunitetit është i dobësuar, duke i lënë ata të paafte për t'i rezistuar sëmundjes. Të gjithë njerëzit që kanë rrezik të marrin TBC-në duhet të testohen. Testi mund të bëhet nëpërmjet doktorëve ose qendrave lokale shëndetësore.

SI PERHAPET TUBERKULOZI

TBC-ja përhapet në ajër. TBC-ja shkon në ajër kur një person që ka sëmundjen e TBC-së kollitet, teshtin ose flet. Çdo njeri që është rreth e përqark ndonjë personi me sëmundjen e TBC-së mund të infektohet, por zakonisht kalojnë disa ditë nga kontakti i afërt. Ju nuk mund të merrni TBC kur prekni mobilje, enë apo gilindera që janë prekur nga personat që kanë sëmundjen e TBC-së.



ÇFARE ESHTË TRAJTIMI PER TBC-në?

Doktorët mund ta ndalojnë një person me infeksion tuberkulozi nga marrja e sëmundjes së TBC-së me anë të barnave që duhet të merren nga 6-12 muaj. Njerëzve me sëmundjen e TBC-së u jepen të paktën dy barna, gjithashtu për 6-12 muaj.

ÇFARE ESHTË VARIACIONI I RI I TBC-së

Disa pacientë me sëmundjen e TBC-së nuk shërohen me kurën normale. Ky lloj quhet Tuberkuloz që i reziston shumë barnave. Për këtë lloj tuberkulozi, doktorët përpiqen me shumë kombinime të ndryshme barnash. Në qoftë se ata nuk gjejnë kombinimin e duhur, pacienti mund të vdesë.



Si përmbledhje, tuberkulozi i patrajtuar mund të jetë një sëmundje fatale. Por TBC-ja është pothuajse gjithmonë e shërueshme. TBC-ja zakonisht nuk është një kërcënim për jetën tuaj po të mos jeni në njërin nga grupet e rrezikshme. Megjithatë në qoftë se ju mendoni se jeni në rrezik ose keni ndonjë shkak për t'u merakosur, flisni me doktorin ose qendrën shëndetësore lokale.

This pamphlet was adapted by the Division of Tuberculosis Control, Virginia Department of Health from materials developed in 1993 by the New York State Department of Health.